

Jonás dör Jehová ttéköl e' pakè

Jonás

Yëkkuö i' tō se' a ipakè tō ì bak Israel aleri eköl kiè Jonás e' tã. Ie' kanablè' Skèköl ttekölíe duas cien paryök ena duas cien kuryök kî dabom skeyök (800-750 AC) e' shü ulatök kãm Jesucristo kûr e' yöki.

Skèköl kè wã ie' patkène Israel aleripa malepa pattök wës Skèköl ttekölpa malepa patkéitō es. E' skéie ie' tō ie' patkè' kã kiè Nínive, e' wakpa pattök. Nínive dör kã kiè Asiria e' kã kibi. Asiria wakpa dör Israel aleripa bolökpa kibi. Ie'pa serke suluë taië shütë Skèköl wöã. E' kuëki ie' tō Jonás patké ichök ie'pa a tō kã de dabom tkëyök etã ie'pa ẽrdawa. Jonás wã ijcher tō Skèköl tō s'suë ẽr siarë wa. Ie' ibikeitsé: “Nínive wakpa ẽr mane'wé, e' tã ie'pa nuì olo'yeraë Skèköl tō ie'pa kî.” Erë ie' kî ikiane tō Skèköl tō ie'pa ẽwëwa, e' kuëki ie' kè shkakmi ie'pa pattök. E' skéie ie' tō ima'wé tkökshkar bánet Skèköl yöki. Erë Skèköl tō ie' wöklö'wé tã ipatkémi Nínive wakpa pattök wake'. Ie'pa ẽr mane'wé, e' kuëki Skèköl kè wã ie'pa ẽonewa.

Yëkkuö i' wa se' ẽna iãne tō Skèköl tō kã ulitane wakpa suë ẽr siarë wa. Ì sulu wamblekesö ese nuì olo'yak ie' ẽna se' kî. Ie' kî ikiane tō se' ẽr mane'ü ie' a as kè ie' tō se' we'ikò.

Jonás kè ẽna Jehová ttò iütak

1 ¹Etökicha tã Jehová tō iché itteköl kiè Jonás dör Amitai alã, e' a: ²“Be' yú kã kibi kiè Nínive ee, tã ichó kã e' wakpa a wës a' e' wambloë e' dör suluë ye' wöã, e' kuëki ye' tō a' ẽwërawa.”

³Erë ie' kè ẽna Jehová ttò iütak. E' kuëki ie' tkashkar iyöki. Ie' mía

dayë kkömik kã kiè Jope wé kanò irirke eë. Eë ie' tō kanò kué etö mitke kã kiè Tarsis e' patuëitö shkomi tã ie' e' iéka ikî tã imía.

⁴Erë Jehová tō sèrkè patké ie'pa kî taië darëreë. E' tō kanò uyé taië dò wësua itskirwãmi. ⁵Etã kôs ie'pa tso' kanò a, e'pa suane taië. Ie'pa eköl eköl tō ikieke



I' dör ká kiè Jope e'. (Jonás 1.3)

aneule iwák kéköl a: “iSa' tsatkó, sa' tsatkó!” Eta dalì kos tuléttsami dayè kì as kè kanò katsirwa.

Erè Jonás e' a'wa kanò shua dalì bló wé a, ee ie' kapötèr taiè. ⁶Eta kanò ñakökwak mía dò wé ie' kapötèr ee ta iché ia:

—¿Iók be' kapötèr? iBe' e' kóka! Be' kéköl a ikió as ie' tò se' tsatkó. Isalema ie' se' suèmi er siarè wa ta se' tsatkèmiitò.

⁷E' dalewa kanò wakpa malepa tò iché ñi a:

—Mishka itótkök isuojie yi iane iwiie e' kuèkì se' weirke i' es.

Eta iwène tò Jonás idir. ⁸E' kuèkì ie'pa iché ie' a:

—Ichó sa' a, ¿i kuèkì ì sulu i' tköke se' ta? ¿Iók be' e' iébitu kanò i' a? ¿Wé be' datse? ¿Yi ditséwö be' dör?

⁹Ie' iüté:

—Ye' dör hebreowak. Jehová dör Skéköl tso' ká jai a e' dalöiökwak ye' dör. Ie' tò dayè ena ká i' yö'at.

¹⁰⁻¹¹Ie' tò ie'pa a ipaké tò ie' tso' tkökshkar Jehová yöki. Mik e' ttsé ie'pa tò ñies isuérakitò tò dayè kì ulune taiè, eta ie'pa suane taiè shute. Ie'pa tò ie' a ichaké:

—¿I wèmi sa' tò be' ta as sèrkè wöklörwa?

¹²Ie' tò iüté:

—Ye' wa ijcher buaè tò ye' kuèkì sèrkè i' bitsineka taiè a' kì. E' kuèkì ye' uyómi dayè a eta sèrkè wöklördawa.

¹³Erè kanò wákpa tò kanò iklémi darèrèe as irirka. Erè kè ie'pa diché dè'ka, dayè kì ulune taiè e' kuèkì. ¹⁴Eta ie'pa tò Jehová a ikié i' es: “A Jehová, kè sa' maktsa duökwa wèmi i' kuèkì. I' uk be' tso' sa' ta, e' wekebö wes be' kì ikiane es. E' kuèkì wèmi i' kè kì ì nuí ta, e' ta sa' tò ie' uyekemi dayè a e' nuí kè marká sa' kì.”

¹⁵E' ukuökì ta ie'pa tò Jonás uyémi dayè a, eta sèrkè wöklönewa ta dayè míane almiè. ¹⁶Mik kanò

wákpa tō e' sué, eṭa ie'pa suane
 taijē Jehovahá yōkī ṭa idalōiérakitō
 taijē. E' ukuōkī ṭa ie'pa tō iyiwak
 jché ña'wé mè Skèkōl a idalōioie,
 ñies ie'pa tō ttē mé ie' a tō sa' tō be'
 dalōieraē.

¹⁷Eṭa Jehovahá tō nima bērie
 shūṭe patké eṭō Jonás mulūkwa. Eṭa
 nima e' tō imuléwa ṭa eṭ nima shūa
 ie' sené dōka ká mañat ñiē nañeē.

Jonás tté Jehovahá ṭa

2 ¹Eṭa Jonás tté Jehovahá dōr
 ie' Kèkōl e' ṭa nima shūa, ²ṭa
 ichéitō ia i' es:

“A Jehovahá, ye' eriarke siarē,
 e' shūa ye' tō be' a ikié tō ye'
 tsatkó,
 eṭa be' tō ye' iūté.
 Ye' tso'tke ká dià kaska'
 s'duulewa ké a,
 eṭ ye' be' a ikié tō ye' kimú,
 eṭa ye' ttō ttsébō.

³ Be' ye' uyémi dayē a iskiē
 dayē dikia,
 ye' kitēulewa dayē wa.
 Dayē urke taijē e' patkébō, e'
 tka ye' kikkē.

⁴ Ye' ittsé tō ye' kè ku'ia be'
 wōrkī.
 Ye' ibikeitsé tō ye' kè dē'iane
 be' wé buaē e' a.

⁵ Dayē taijē, e' shūa ye' anemi.
 Ye' kikkē, ye' pamik, ye' dikia,
 e' dōr dayē ème.
 Dayē a itō'kōnu tso', e'
 malitséka ye' wōkir mik
 taijē dayē shūa.

⁶ Ye' anemi dayē a dō iskiē,
 dō wé kabata bitukeka eṭ.

Ye' ittsé tō ye' wōtēnewa da'a
 ká dià kaska'.

Erē, a Jehovahá, be' dōr ye'
 Kèkōl,

be' dōr ye' yétsane s'duōwa
 ulà a dekane ttsē'ka.

⁷ A Jehovahá, mik ye' ittsé tō ye'
 duōkewatke,
 eṭa ye' be' a ikié tō ye' tsatkó,
 eṭa ì kiéyō, e' ttsébō be' wé
 buaē e' a.

⁸ Wépa tō iyi diōkōl dalōieke be'
 skéie,
 e'pa kè tō be' dalōieku'ia.

⁹ Erē ye' tō wéstela cheraē be' a
 kekraē,
 iyiwak jcheraē ña'weraëyō be'
 a be' dalōioie.

Ye' ttē mé be' a, e' waweraëyō.
 iA Jehovahá, be' è a sa'
 tsatkērmi!”


¹⁰ E' ukuōkī ṭa Jehovahá tō nima
 patké Jonás tuōktsa ká sí kī, ṭa
 ituéttsaitō.

Jonás tō Jehovahá ttō iūté

3 ¹Eṭa Jehovahá tō iskà chéne
 Jonás a: ²“Be' yú ká kibi kiē
 Nínive eṭ ṭa ì chekeyō be' a, e' chó
 ká e' wakpa a.”

³Eṭa ie' tō Jehovahá ttō iūté. Ie' mía
 Nínive. E' dōr ká bērie. Shkotkō
 ká e' shūa, e' dōr ká mañat wa'ñe.

⁴ Jonás shké ká e' shūa ká et wa'ñe
 ṭa ie' tō icherami ká e' wakpa
 a aneule: “Ká i' kī ká de dabom
 tkëyōk (40), eṭa a' erdawa.” ⁵Eṭa
 Nínive wakpa kōs erblé Skèkōl
 mik. E' kuëkī ie'pa kōs, èsepala
 ena dalōiërta', e'pa kōs tō iché:



I' dör ká kiè Nínive e'. (Jonás 3.3)

“S'kawōtā batsök, ñies s'kawōtā datsi' ajaë ese iök iwā kkachoië tō se' er mane'wé.” Etā es ie'pa tō iwé.

⁶Mik ttè e' ttsé Nínive blú tō, etā ie' e' kéka ikulé kī, tā idatsi' bua'buāë iëtkër iwā, e' yétsā skéie datsi' ajaë iékaitō tā ie' e' tkéser iski muluchka kī. ⁷⁻⁹Etā ie' tō ttè patké ká e' ulitane wakpa ā. Ttè e' tō ichè i' es: “A' ulitane kè kàne chkök di'yök yës. Ñies kè a' kàne a' baka ena a' obeja tiök. A' ulitane kawōtā datsi' ajaë iökka. A' kköchó Skéköl ā a' diché kōs wa ās a' e' wamblò suluë ese kōs nuí olo'yòitō a' kī.

Ñies a' e' wamblò suluë, ese kōs olo'yó. Isalema ie' er mane'umine, etā ie' er buarmine se' kī, etā ie' kè tō se' ewepawa. Ttè i' dör ye' dör a' blú e' ttè ena a' wökirpa ttè, e' kuëkī a' ulitane kawōtā idalöiök.”

¹⁰Etā ie'pa tō ttè e' iutë buāë. Ie'pa e' wamblò suluë ese kōs olo'yérakitō. Mik e' sué Skéköl tō, etā ie' ibikeitséne kè yō ie'pa we'ikepa wes ye' ibikeits es.

Jonás ulunekā Skéköl kī

4 ¹Erè e' kè dör bua' Jonás ā tā ie' ulunekā tajë. ²Ie' iché Jehová ā:

—A Jehová, be' isué. Mik ye' tkë-riá ye' kaska', etá ye' iyè' tò be' er buaè chöraè Nínive wakpa a. Ye' wá ijcher tò be' dör es, e' kueki ye' bakshkar Tarsis. Ye' wá ijcher tò be' kè ulurta'ka bet. Be' er tottoë. Be' sa' suè er siarè wa. Mik sa' tò ì sulu wamblé ta sa' er mane'wé, e' ta bet e' nuí olo'yé be' tò sa' ki, kè sa' we'ikè wes be' sa' pauñé es. ³A Jehová, e' kueki ye' be' a iché ye' ttówa, e' dör bua'ie ye' a.

⁴Erè Jehová tò ie' a ichaké:

—¿Ima be' ibikeitsè tò be' wá kawö ta' ulunukka se es?

⁵Etá Jonás e' yéttsa Nínive mía diwö tskirke e' kke ta ee úla yuékaitö e' blóie diba yöki. Ee ie' e' tkéser ì tkòmi Nínive wakpa ta e' wá panuk. ⁶Etá Skököl Jehová tò kalkua tskéka elka tala'wékaitö Jonás tsaka as ikí ttsè'r buaë. E' tò ie' ttsè'wé buaë. ⁷Erè bule es bla'mi ká ñine etá Skököl tò í patké kalkua katökwa ta isinewa

duowa. ⁸Mik diwö deka, etá ie' tò siwa' darërèè ba'baë e' patké diwö tskirke e' kke Jonás ki. Diba ane darërèè Jonás wökir ki, ta ie' tò ittse tò ie' siwa'arkewa. Ibikeitséitö “iYe' mú duòwa!” Ie' iché, “Ye' duowa, e' dör bua'ie ye' a.”

⁹Erè Skököl tò iché ie' a:

—¿Ima be' ibikeitsè tò be' wá kawö ta' ulunukka kalkua sinewa e' kueki?

Ie' iituté:

—Tó, ye' wá kawö ta'. iYe' ulune tajè mik ye' duowa etá e' olone!

¹⁰Etá Jehová tò iché ie' a:

—Kal kuá kè tkène be' wá, kè talane kè kaneone be' wá. E' tskine talane ká et nañewe è, bule es nañewe ta iduowa, e' dalène be' éna. ¹¹Etá ¿wes ye' kè éna Nínive wakpa dalènu? Ie'pa dör tajè, ie'pa ala'rla tso' tajè doka 120.000 kè wá ijcher ì dör buaë, ì dör suluè. Ñies ie'pa iyiwak tso' tajè.